

ONDARABIA

Goxo da bizitzia Xibero gaiñian
Mendi horien artian trankilitatean
Hargatik aitortzen dit mügaz bestaldian
Badirela xoko hunak, itsas bazterrian
Kantatzerat banua huk pentsamentian.

**Ondarabia ta Donostia ere bai Bilbao
Eskual Herrian ederrez zidie haiñ paregabeko
Ene bihotza hartü düzie osorik betiko
Ziek egin batzarri ederra ez dit ahantzeko(x2).**

Xokota batetan da fierrik Ondarabi
Hurez gerrikatürik erriz Hendaiari
Bere gaztelü zahar misteriosareki
Lehenago Güdüetan nula kolpatürik
Santa Maria eliza huntarzünez fundi.

**Ondarabia ta Donostia ere bai Bilbao
Eskual Herrian ederrez zidie haiñ paregabeko
Ene bihotza hartü düzie osorik betiko
Ziek egin batzarri ederra ez dit ahantzeko(x2).**

Monte Igeldotik zit agur Donostia
Denen artian zira arrosa lilia
Kontxaren üngürian bibil da herria
Bere mila kolorekin espantagarria
Ta herrotik Eskualdün da hango jentia.

**Ondarabia ta Donostia ere bai Bilbao
Eskual Herrian ederrez zidie haiñ paregabeko
Ene bihotza hartü düzie osorik betiko
Ziek egin batzarri ederra ez dit ahantzeko(x2).**
